



Broj: 16-12-16-5225-10 /20  
I. Sarajevo, 19.08. 2020. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 17.08.2020. godine, na preporuku Komisije II za provođenje postupka nabavke za potrebe Državne agencije za istrage i zaštitu u 2020. godini broj 16-12-16-5225/20 od 18.08.2020. godine, u postupku javne nabavke usluge održavanja i podrške softvera za sprečavanje pranja novca „Anti money laundering system“ (AMLS sistem) za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača u postupku javne nabavke usluge održavanja i podrške softvera za sprečavanje pranja novca „Anti money laundering system“ (AMLS sistem) za potrebe Državne agencije za istrage i zaštitu

#### **Član 1.**

U postupku javne nabavke usluge održavanja i podrške softvera za sprečavanje pranja novca „Anti money laundering system“ (AMLS sistem) za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, korištenjem e-aukcije, na preporuku Komisije II za provođenje postupka nabavke za potrebe Državne agencije za istrage i zaštitu u 2020. godini broj 16-12-16-5225/20 od 18.08.2020. godine, ugovor za period od jedne godine, dodjeljuje se ponuđaču „PING“ d.o.o. Sarajevo, ponuda broj 16-12-16-5225-8/20 od 10.08.2020. godine, za ponudenu cijenu 48.672,00 KM bez uračunatog PDV-a (sa uračunatim popustom od 22 %).

#### **Član 2.**

(1) Ponuđač „PING“ d.o.o. Sarajevo obavezan je ugovornom organu dostaviti dokaz o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

#### **Član 3.**

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

#### **Član 4.**

Za izvršenje ove odluke zadužuje se Sektor za materijalno-finansijske poslove Agencije.

## Član 5.

Ova odluka stupa na snagu danom donošenja.

### O b r a z l o ž e n j e

Odlukom broj 16-12-16-5225-1/20 od 21.07.2020. godine pokrenut je postupak javne nabavke usluge održavanja i podrške softvera za sprečavanje pranja novca „Anti money laundering system“ (AMLS sistem) za potrebe Agencije, procijenjene vrijednosti 49.000,00 KM bez uračunatog PDV-a, za koji je obavještenje o javnoj nabavci broj 1161-7-2-160-3/31/20 od 23.07.2020. godine objavljeno na Portalu javnih nabavki. Novčana sredstva za realizaciju navedene nabavke obezbijedena su u okviru budžetskih sredstava za 2020. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period juli-septembar 2020. godine, koju je donijelo Vijeće ministara Bosne i Hercegovine na 10. sjednici, održanoj dana 30.06.2020. godine. Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 10.08.2020. godine do 13,00 sati, te da se ponude dostavljaju u zatvorenoj kovrti na Pisarnicu Agencije, Komisija je dana 10.08.2020. godine u 14,00 sati izvršila javno otvaranje ponuda.

Blagovremeno su dostavljene dvije ponude i to:

R/B	Naziv/ime ponuđača	Ponuđena cijena (bez PDV-a) u KM
1.	„MIBO KOMUNIKACIJE“ d.o.o. Sarajevo	48.996,00 KM
2.	„PING“ d.o.o. Sarajevo	48.672,00 KM sa uračunatim popustom od 22 %

Komisija je nakon otvaranja ponuda u smislu člana 63. st. (5) i (6) Zakona o javnim nabavkama sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači „MIBO KOMUNIKACIJE“ d.o.o. Sarajevo i „PING“ d.o.o. Sarajevo ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Konkurentskog zahtjeva. Komisija je utvrdila da je ponuđač MIBO KOMUNIKACIJE“ d.o.o. Sarajevo dostavio Potvrdu Vanjskotrgovinske komore Bosne i Hercegovine broj 05-05-3-27-3192/20 od 06.08.2020. godine o preferencijalnom tretmanu domaćeg i da je „PING“ d.o.o. Sarajevo dostavio Potvrdu Vanjskotrgovinske komore Bosne i Hercegovine broj 05-05-3-27-3172/20 od 05.08.2020. godine o preferencijalnom tretmanu domaćeg.

Komisija je od Finansijsko-obavještajnog odjeljenja i Sektora za operativnu podršku tražila da na osnovu uvida u pristigle ponude ponuđača „MIBO KOMUNIKACIJE“ d.o.o. Sarajevo i „PING“ d.o.o. Sarajevo dostave stručno mišljenje u pogledu tehničkih uslova postavljenih u Konkurentskom zahtjevu. Finansijsko-obavještajno odjeljenje aktom broj 16-05-16-5225/20 od 12.08.2020. godine dostavilo je stručno mišljenje u kojem je navedeno da ponude ponuđača „MIBO KOMUNIKACIJE“ d.o.o. Sarajevo i „PING“ d.o.o. Sarajevo zadovoljavaju tehničke uslove iz Konkurentskog zahtjeva. Takođe, Sektor za operativnu podršku aktom broj 16-10-16-5225/20 od 13.08.2020. godine dostavio je stručno mišljenje u kojem je navedeno da ponuđači „MIBO KOMUNIKACIJE“ d.o.o. Sarajevo i „PING“ d.o.o. Sarajevo ispunjavaju tražene tehničke uslove iz Konkurentskog zahtjeva.

Budući da je Konkurentskim zahtjevom za postupak javne nabavke usluge održavanja i podrške softvera za sprečavanje pranja novca „Anti money laundering system“ (AMLS sistem) za potrebe Agencije predviđeno provođenje e-aukcije u skladu sa Pravilnikom, da su blagovremeno dostavljene dvije prihvatljive ponude, Komisija je dana 14.08.2020. godine sačinila Zapisnik o ocjeni prihvatljivosti ponuda i zakazala e-aukciju za 17.08.2020. godine u 12,00 sati u trajanju od 15 minuta.

Prema Izvještaju o toku i završetku e-aukcije od 17.08.2020. godine, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

R/B	Naziv ponuđača	Vrijednost ponude (bez PDV-a)	Rang
1.	„PING“ d.o.o. Sarajevo	48.672,00 KM sa uračunatim popustom od 22 %	1
2.	„MIBO KOMUNIKACIJE“ d.o.o. Sarajevo	48.996,00 KM	2

Nakon provedenog postupka e-aukcije, shodno Izvještaju o toku i završetku e-aukcije od 17.08.2020. godine, Komisija je utvrdila da nije bilo snižavanje cijena ponuda kao kriterij za dodijelu ugovora u rasponu od 0,1% do 10% najniže početne cijene svih ponuda u skladu sa članom 8. Pravilnika.

Komisija je nakon sačinjavanja rang liste ocijenjenih ponuda, uz stručna mišljenja Finansijsko-obavještajnog odjeljenja i Sektora za operativnu podršku, utvrdila da je ponuda ponuđača „PING“ d.o.o. Sarajevo ocijenjena kao najpovoljnija ponuda, da ne premašuje procijenjenu vrijednost javne nabavke, te da ista podliježe primjeni preferencijalnog tretmana domaćeg.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se u postupku javne nabavke usluge održavanja i podrške softvera za sprečavanje pranja novca „Anti money laundering system“ (AMLS sistem) za potrebe Agencije, ugovor na period od jedne godine dodijeli ponuđaču „PING“ d.o.o. Sarajevo, kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima;
- Sektoru za mat.-fin. poslove;
- a/a.

